

Matvælaráðuneytið
Borgartúni 26
105 Reykjavík

Reykjavík, 21. febrúar 2023

sent á samráðsgátt

Umsögn um þingsályktunartillögu um landbúnaðarstefnu til ársins 2040

Samtök atvinnulífsins hafa tekið til umsagnar ofangreint mál sem birt var í samráðsgátt stjórnvalda 10. febrúar sl. Um er að ræða þingsályktunartillögu sem byggir á grunni skjalsins „Ræktum Ísland!“, sem þó hefur tekið mið af annarri stefnumótun á málefnasviðinu. Ber þar helst að nefna stjórnarsáttmála ríkisstjórnarinnar.

Samtök atvinnulífsins skiluðu umsögn um umræðuskjalið „Ræktum Ísland!“, dags. 21. maí 2021. Með umsögn þessari vilja samtökin ítreka fyrri sjónarmið sem þá voru sett fram um landbúnað á Íslandi. Það er mikilvægt að íslenskur landbúnaður sé öflugur og að tryggð verði geta hans til að framleiða matvæli af háum gæðum. Þá þarf einnig að ná víðtækri samstöðu um trúverðugar áætlanir í því augnamiði að auka framleiðni og verðmætasköpun í landbúnaði og þar með hagkerfinu í heild.

Við mótun landbúnaðarstefnu til ársins 2040 leggja samtökin áherslu á mikilvægi þess að auka enn hagræðingu og efla samkeppni í greininni, lækkun tolla og vörugjalda og þar með verð til neytenda en á sama tíma að tryggja afkomu bændanna sjálfra. Þannig verður samkeppnisstaða í greininni best tryggð. Að auki þarf að mati samtakanna að auka áherslu á loftslagsmál og uppgræðslu lands auk þess að huga að aukinni framleiðslu einstakra afurða til útflutnings.

Í tillögunni kemur fram að til að hrinda landbúnaðarstefnu til ársins 2040 í framkvæmd verði gerðar áætlanir um aðgerðir til fimm ára í senn og þær birtar. Samtökin vilja lýsa vilja sínum til að taka þátt í samráði um þær áætlanir.

Með tilliti til framangreinds er það mat samtakanna að sú stefna sem þingsályktunartillagan boðar sé jákvæð og samfélaginu til hagsbóta. Að öðru leyti eru ekki gerðar frekari athugasemdir við umræðuskjalið að svo stöddu. Samtökin áskilja sér þó rétt til að koma frekari athugasemdum á framfæri á síðari stigum.

Virðingarfyllst,

f.h. Samtaka atvinnulífsins


Árni Grétar Finnsson